

抄本慶湖遺集九卷拾遺補遺二卷甲辰鏡山賸

用金鈔景宗侶熙刻

本慶湖遺集詩集

九卷拾遺補遺二卷

第一卷有答永嘉許景亮  
樂行一首

慶湖遺老詩集序

慶湖遺老詩集序

賜唱

君余自營

依

慶湖遺老詩集序

慶湖遺老詩集序  
慶湖遺老者越人賀鑄方曲也  
賀本慶氏后稷之裔  
太伯始居吳至王僚遇公子光之禍王子慶忌挺身  
犇衛妻子迸度淞水隱會稽上越人哀之予湖澤之  
田俾擅其利表其族曰慶氏名其田曰慶湖今為鏡  
湖傳訛也漢孝安帝時避帝本生諱改賀氏水亦號  
賀家湖馬家牒載謝承會稽先賢傳叙略如此唐代  
既頒勳格百家圖譜併為煨地元和  
纂臆謂賀氏慶封之後非是按封劫專齊政田氏患  
之聚三族甲環其宮而夷其族封僅身免走魯遷吳



卒被屠戮安有遺種哉吾家特會稽一族他州之賀  
蓋賀蘭賀若賀跋賀婁賀魯賀葛賀賴賀述賀兒賀  
略孤吐賀諸姓省焉鑄十五代祖乃秘書外監之從  
祖弟諱知止少味老易躬耕不仕開元末興崇玄學  
本道三以道舉薦送不赴會有聞于朝者起家拜上  
虞丞秩滿試任城令時李翰林白寓遊是邑與公相  
從於詩酒間謨其美政書公堂之壁後人鐫詩石今  
或存焉久之遷陽穀令卒官民懷其惠遮留喪車  
得時發因權定縣之北原三孤即壠為廬免喪按安  
史之亂縣又改隸東平尋為李正己巢據之沒用非

法游民浮屠禁不聽還伯仲定居陽穀俾季陰婦會  
稽以持先業皆力田自潔不復為仕宦計季實吾祖  
也歲一北走省展存歿且自誓約生雖居死當祔骨  
先壠之次逮七世孫遵約不墜後屬董昌盜越民骨  
其毒因棄業北遷合族焉 國朝緣外戚賜第開封  
隆和里六代祖廣平王始別葬於浚儀固子陂之原  
高門平州府君受命北征即誥其家嗣曰吾家本慶  
氏昔王子嘗寓於衛而子必以舊氏名之吾死必封  
樹衛郊示不忘本府君竟死事朔野曾門以哀毀廢  
於家但名其子而重誥之 天聖初大門摠北道壠



牧之正遂卜府君之新阡於衛屬邑共城東原仍徙  
貫焉行先志也鑄少有狂疾且慕外監之為人顧遷  
北已久嘗以北宗狂客自况今寢老且疾念歸何時  
而亟更舊稱者亦首丘之義耳鑄生於 皇祐壬辰  
始七齡蒙先子專授五七言聲律日以章句自課迄  
元祐戊辰中閑蓋半甲子凡著之藁者何啻五六千  
篇前此率三數年一閱故藁為妄作也即投諸煬竈  
灰滅後已者屢矣年髮過壯志氣日衰落吟諷雖夙  
所嗜亦頗厭調聲儷句之煩計後日所賦益寡而未  
必工於前念前日之爨燼為妄棄也始哀拾其餘而

繕寫之後八年僅得成集以雜言轉韻不拘古律者  
為歌行第一卷以聲義近古五字結句者為古體詩  
第二第三第四卷以聲從唐律五字結句者為近體  
五言第五卷以聲從唐律七字結句者為近體長句  
第六第七卷以不拘古律五字二韻者為五言絕句  
第八卷以聲從唐律七字二韻者為七言絕句第九  
卷隨篇叙其歲月與所賦之地者異時開卷回想陳  
迹喟然而嘆莞爾而笑猶足以起予狂也倘夢境幻  
身未遽壞滅嗣有所賦斷自己卯歲列為後集云丙  
子十月庚戌江夏寶泉監阿堵齋序



慶湖詩集目錄上  
第一卷歌行

叢臺歌

彭城三詠

江南曲

東華馬上

舟次金陵寄王掾

艤舟秦淮訪侍其瑀

留別僧訥

贈趙滂



黃樓歌

漁歌

三鳥詠

廣四愁寄李諶

贈道士蹇拱辰

寄墨贈楊時

留別道士許自然

留別田晝





調劉生

亡女哀辭

送王尉赴武康

送僧還吳興

贈僧孚

題漢陽招真亭

寄漢陽趙尉

送王掾還海陵

南樓歌送慎守還朝

第二卷 古體上

荅靳生

老鶴嘆

送周守還朝

荅許景亮

送章邦傑移家包山

晚出江城聞角

送武庠歸隱終南

玉鈞環歌

題潘氏亦顏齋

故鄣

老槐

春行

閨情二首

詛蚊

病暑

問內

烹雞嘆

題蘭陵王碑陰

荅杜仲觀登叢臺

喜雨

過鼉掾

對酒

題巫山圖

燭蛾

暑夜

食芡實

題華陽公主碑陰

邯鄲郡樓晚望

冬夜寓直



送武廟欽宗諱之安陽

寄杜邨邨

訪周沆郭忱

除夜歎

寄杜仲觀

遊雲龍張氏山居

登黃樓懷蘇眉山

秋懷二首

燕子樓

快哉亭

飛鴻亭

登快哉亭

讀李益詩

田園樂

此日足可惜

部兵之狄丘

遊南臺

夏夜懷寄傳道

第三卷 古體中

和張謀父遊石佛山

夜行鄒縣道中遇雨

行路難

送寇元弼王文舉

人生七十稀

和杜仲觀青字詩二首

送李主簿四首

擬獨杵擣衣

擬夜中不能寐

擬寒宵嘆

遊雍丘燕溪

擬王少伯新興

送陳傳道之下邳

東畿舟居阻雪

留侯廟下作

遊靈壁蘭臯園

題王輅故居清軒

遊金陵雨花臺

宿法惠寺

題香社寺湯泉



宿慧日寺

懷寄王開叟

腰疼山浮圖下作

登柏子岡懷寄泉師

歷陽十詠

第四卷 古體下

三山

望夫石

題烏江湯泉

罷官有期寄朋好

儀舟秦淮

金山遊

望焦山

金山夜集招米芾不至

留別黃材

題無心菴

和錢德循寓懷

題安上人北軒

感庭棗

送趙子億之官滄州

夏夜雨晴感懷

寄題名嘉亭

遊盱眙南山

酬別杜興

留別龜山白老

題棲雲菴

寄題周氏瀟溪草堂

送周壽西上

題陶靖節集後

補感遇詩

黃鶴樓

鸚鵡洲

懷寄周元翁十首

題鄭判官直節亭

題潘大臨東軒

送陳令移官吳郡

和潘邠老漢上屬目

第五卷 近體五言

雨餘晚望

自訟

待曉朝謁天慶

送李易初還汶陽

重送

春書

擬溫飛卿

快哉亭寓目二首

題張氏白雲莊

賦得枕上聞雁

和人遊白雲莊二首

早夏

辭酒

送陳傳道攝官雙溝

遊滕縣時氏園亭

自鄆還徐道中

早發王村道中

暮投葛塘馬上

汴渠夜泊

舟次宋城

京居感興

玉津晚歸馬上

西城有懷

苦竹村南馬上

題諸葛猷田家壁

訓桂林從叔

寄趙令髦

懷寄潘孝本

送張商老

題烏江鄧氏亭

懷潘景仁

宿田家

遊真如寺

之香林馬上

題丘氏歲寒亭

送左禹赴江夏尉

高望道中

湯泉道中



留別王掾

擬舟當利口寄朋遊

重別王掾

投宿清涼寺

懷寄王掾

秦泊夜泊

遊草堂寺

訓別彥上人

易官後呈交舊

懷王掾

廣津門東馬上

久病寄親友

秋夜聞雨晨興偶書

謝朱元章見過

留別米雍丘

寶應野泊

題淨名齋寄朱元章

龜山晚泊

舟居卧病寄和上人

泊臨淮懷杜脩撰

舟發金陵望歷陽作

江行寫望

郎官湖

題寶泉官舍壁

江夏寓興

寄潘邠老

送陳主簿歸越

送金壇慎令

寄題杜子師草堂

慶湖詩集目錄上

慶湖遺老詩集卷第一

歌行三十九首

叢臺歌 按邯鄲縣譜叢臺趙武靈王築起地  
三百尺今故址猶十仞在縣中東北隅元豐辛  
酉七月同邑令濮人杜儼仲觀登杜先有此詩  
要余同賦

累土三百尺流火二千年人生物數不相待摧頽故  
址秋風前武靈舊壠今安在秃樹無陰困樵采玉簫  
金鏡未銷沉幾見耕夫到城賣君不見叢臺全盛時  
綺羅成市遊春暉一從凋輦閉荒草蕭散行雲無復



婦韶魂想像風流在晴華露蔓猶依稀盤紆棘逕撩  
人衣禾黍晚成貉貉肥層簷碧瓦碎平地夢作鴛鴦  
相伴飛登臨弔古將語誰城郭人民今是非指君看  
取故時物南有清流西翠微彷徨華表不忍去豈獨  
遼東丁令威

黃樓歌

熙寧丁巳河決白馬東注齊宋之野

彭城南控呂梁水滙城下深二丈七尺太守眉  
山蘇公軾先詔調禁旅發公廩完城堞具舟楫  
拯溺療饑民不告病增築子城之東門樓冠其  
上名之曰黃取土勝水之義樓成水退因合醴

以落坐客三十人皆文武知名士明年春蘇公  
移守吳興是冬謫居黃岡後五年轉徙汝海余  
因賦此以道徐人之思甲子仲冬彭城作

君不見熙寧丁巳秋靈平未塞河橫流澶漫勢欲浮  
東州斯人坐有為魚憂當時賢守維蘇侯戢術不取  
三犀牛跨城岩堯起黃樓五行相推土勝水鼃作鼃  
驚走鞭箠三丈渾流變清泚南來船車鷁銜尾使君  
登覽興如何舞劍吟箋賓從多水平照影見雁下山  
空谷响聞漁歌樓下汀洲長芳草一麾南出彭門道  
昨日春遊詠白蘋後夜秋風悲鵬鳥黃岡汝海心悠

哉青衫白髮多塵埃采菱伎女今何在騎竹兒童望  
不來望不來碧雲明月長裴徊

彭城三詠

元豐甲子余與彭城張仲連謀父

東萊寇昌朝元弼彭城陳師仲傳道臨城王適  
子立宋城王和文舉采徐方陳迹分詠之余得  
戲馬臺斬蛇澤歌風臺三題即賦馬戲馬臺在  
郡城之南斬蛇澤在豐縣西二十里歌風臺在

沛縣郭中

秦蛇已中斷劉項方龍戰叱咤沮風雲睚眦走霆電  
鴻溝一畫天地開楚王洗劍東歸來新都形勝控淮

泗籠山絡谷營高臺重腫登覽何為者不知招賢知  
戲馬上如激矢下投九蘭筋霜腕便聲回盤半夜悲  
歌駢不逝明日陰陵行路難駉牝三千婦漢閑粟豆  
枕聞蠹縣官君不見華山之陽古坳牧春風吹草年  
年綠

右戲馬臺歌

君不聞泗濱亭長送徒如咸陽徒夫懷歸多道亡澤  
中置酒飲相訣吾亦從此犇芒碭陰風蕭蕭導者懼  
前有修蛇怒橫路酒酣拔劍肯留行劃斷蜿蜒不回  
顧河明月出人踵來彼媪何冤號且哀謂遭赤子屠  
吾子語竟莫知安在哉真人聞此自心許茫茫四海



吾其主虎變龍飛十二年  
馘項臬英蓋狐鼠半夜雄  
鎡飛上天幾見長陵一杯土

右斬蛇澤歌

漢祖高風百尺臺千年客土生蒿菜何窮人事水東  
去如故地形山四來江淮猶沸鯨鯢血八十一車杜  
歸轍白首逢迎皆故人牢酒歡呼惜將別嶠澗迢遙  
非我鄉死生此地何能忘酒闌鳴筑動雲物青衿兒  
曹隨抑揚爾時可無股肱良端思猛士守四方君不  
聞淮陰就縛何慨慷平解道烏盡良弓藏

右歌

風臺詞

漁歌

甲子十二月張謀父陳傳道王子立會

於彭城東禪佛祠分漁樵農牧四題以代酒令  
余賦漁歌

嚴公桐江上呂父清渭濱出處兩能事寥々乎若人  
擁黃芘笠吳儂子身偶一竿生寄水侯庖富饌美鮓  
鱸寸鬣分鱗辱刀几吾將一釣懸十捷笑倚扶桑不  
計年鯤鯨懷餌脫相得坐使東南飫食鮮

江南曲 乙丑三月彭城分題得江南曲

遊倡蹇杜若別浦鴛鴦落向晚鯉魚風客櫓 酒  
當時桃葉是新聲千載長餘隔水情烏衣巷裏人誰  
在白鷺洲邊草自生



三鳥詠 元祐戊辰三月之官歷陽石磧戊日  
從事於田野間始聞提壺竹雞子規三鳥其聲  
殊感人因賦之以寄京東朋好

綠野帶江春漠、露濕花萼朝暮薄年芳婉婉欲辭  
人啼鳥慙勸行樂提壺真起予十千美酒當賸沽  
金龜寶貂家所無持底可過黃公壚調官東來今幾  
日謂有公田宜種秫朝廷未除私釀律安得一試焦  
革術提壺鳥嘆吾與爾皆悠、君不見長安兩市多  
高樓大書酒旆招貴遊脫聞提壺鳴樹頭論槽買甕  
更評獻醅庶幾此聲知所投胡為南鄉長滯留端使

北宗狂客羞

北宗狂客方田自號也

右提壺引

東南澤國陂塘闊旱歲少逢晴五月田間盡喜雨冥  
冥竹下雞啼泥滑滑而予不畊陂下田田臯驅馬揮  
長鞭稻塍微茫絕復連如躡鏡面流鮫涎植蹄沮洳  
不敢前何暇顧惜青連乾竹雞鳥汝幸飛翔羅罽外  
安知此塗吁可畏雄雌更聲鳴方自慰汝不能言臆  
為對君不見日圍赫、是長安大明宮闕開雲端雞  
人唱漏辰三刻左右相君朝謁還前駟誰敢干後乘  
不可攀飄、青蓋望已遠綠槐陰下沙堤閑長堤千  
步沙漫、風不驚塵雨亦乾君能馳騫此其所何事



江鄉行路難

右竹雜詞

長江靡迤山坡陔旅竹荒松蒙葛蘿蚕初眠起風日  
暖梅弄黃時烟雨多山間有逕行逶迤倦客據鞍生  
睡魔奈爾思歸啼鳥何子規鳥不如歸去好誰家西  
北最高樓幾為王孫怨芳草子規憐爾解歸飛我獨  
何心長不歸十年迹絕蘇門道夢裏舊遊知是非一  
官竊食官倉米十口之家飽而已金印錦衣耀閭里  
少年此心今老矣問舍求田從此始

右子規行

東華馬上懷寄清涼和公蕪簡社中王拙居士  
東華在歷陽郡北八十里隔江與金陵相直王

字閑叟已巳十月賦

雞鳴統五鼓驅馬東華路月落潮上時雲披日生處  
搖漁艇子挂席凌江去送目思悠然橫槩聊一賦  
鴻雁南飛江北流亭雙塔是昇州前朝物色今何  
見白鷺平沙接石頭石頭城上清涼國中有彌天大  
比丘右軍遠孫傲時者巾鉢久從蓮社遊吾亦明年  
及瓜代一庵見寄外何求

廣四愁寄李諫

李字智父時為白馬從事庚

午七月歷陽賦

夜如何其夜未央斗星燦兮河蒼涼微月入牖窺曲



房候虫刺促鳴我床離憂歛來煎人腸夜如何其夜  
何長綠琴在薦兮擬楚奏之沈湘朱絃濕露兮聲戾  
指而不揚屏禁浩歌兮屑涕泗之浪、我有所思兮  
在河之陽俊而不見兮衷難弭忘駉驥騰躍兮鴻鵠  
翱翔明璫玉案兮爾不我將緘誠結惠兮久莫汝償  
永如牛女兮南北相望昔燕處兮靈芸之堂紉蘭為  
珮兮集芰為裳西風淒緊兮凌百草以殞黃蘭萎芰  
裂兮恐被服之不芳念汝玉立兮賤組繡之文章玄  
節日厲兮奈慘慄之冰霜胡不乘白雲兮歸來乎帝  
鄉尚何所後兮果永歲而徜徉

舟次金陵懷寄歷陽王掾相

王字元胥庚午

十二月賦

昨時江北望江南把酒離愁已不堪今夜江南望江  
北抵掌清談安可得歷湖白下非吾鄉官身俗眼禁  
人狂後日扁舟更西去江北江南兩何處

贈道士蹇拱辰

嘗觀妙手御風圖想像斯人世所無今識黃冠葆光  
子爽氣飄飄盡不如岷峨東來九千里眼飽高山與  
流水乘春更擬訪天台晨肇當年偶然耳葆光子胡  
為乎鼎中龍虎煉成寶筆下鬼神驅作奴須君且置



是等事三復玄元皇帝書

艤舟秦淮雪中訪侍其瑤 侍其字服之庚午

十二月賦

北風破雨初成雪齋舫蓬牕吹紙裂籃舁觸冷訪圓  
廬得把一杯聊耳熱人生自遠待何時矧君與我皆  
衰遲會待晴天暖風日杖藜同赴北山期

寄墨代書贈楊時 揚字中立彭城僚友也為

南康刑獄掾庚午十二月金陵偶便因以詩墨

寄之

徂來雪壑蒼松顛淪膏根抵蟠蜿蜒樵斤翦折石火

熟曲突百步凝梢煙蒲萄秋顆累 懸海膠九煉堪  
續絳力擣萬杵曰欲穿劑成圭璧隨方圓點漆比色  
石比堅坐令李韋羞居前陳臺潘谷老且賢授唯識  
者不計錢是翁解化如蛻蟬後可繼此無聞焉付君  
一圭款識全保護謹密何千年君家清風宜世傳不  
特談玄須草玄

留別僧訥 辛未正月金陵賦

冗從西班誰比數牛僧馬醫猶爾汝詩解窮人未必  
工苦調酸聲効梁父滎陽道人方外交謂我有言追  
屈騷驪珠不惜彈黃雀狗尾何堪聯晉貂秦淮潮上

扁舟發後日相思一書札千里同風了、然人間無處無明月

留別道士詩自然 自然山陽人喜談老易早為荆國王公所知嘗被召對於延和殿賜號葆光掌中太一宮文籍未幾謝病來茆山辛未正月相逢於金陵求余詩因賦此

東晉高賢許遠遊喬孫今不墜風流還有臨川王太傅每思與語即登樓浮名何啻如雲薄鍾鼓爰居非所樂漱石枕流知善謔友月朋風差不惡吾亦塵間無所求終期采藥棲羅浮異日歸來遼海鶴不見人

民見城郭

贈趙叅軍滂 趙字沛然工書得鍾王楷法辛

未二月高郵賦

髯叅軍髯叅軍平昔相好書相聞妙兼八法嗤五雲一字僅課三年勤春回玉樹生蘭筋驛駟氣蹙千羸群度家之雞安足云君子硯漁而筆耕歛宗廟諱扇兮羊帚奈何不書藥珠祕錄之真文寶厨鈿軸絨靈芸閣居清絕無世紛誰其觀者紫陽君後日人間偶流落猶得標題持鍵鑰

留別田畫 田字承君始名至明字君義元豐



初滄陽同官也辛未二月邂逅於高郵因賦此  
以贈別

君家陋巷一尺泥吾車有輪馬有蹄  
犯寒踏雨重相過明日扁舟吾遂西  
回首邯鄲迹如掃離索十年成潦倒  
兔葵燕麥春日妍蟬腹龜腸氣方飽  
雲遶宵謝攀躋長缺與人還故棲異  
時結駟來南畝耕者老夫鋤者妻

調北鄰劉生

辛未六月京師賦時將為衡陽

之行

荒園老墻百堵破北鄰劉子南隣賀  
今兩相望不相

過端怯衡陽芒屨沉吾庖無魚未必  
餓晏飢糠覈煩脾磨吾牀何容凡物  
坐書為睡媒即牀臥彼子劉子何所  
作任方學商聲哦楚些細君曼瑟與之  
和相忘之樂在江湖最靈者人情不  
無此日可惜難再圖秋風西來莫挽  
吾後日相思幾千里書不盡言徒耗  
紙

谷靳生

生名馳嗜酒而狂自號為酒隱翁壬

申正月遣人持兩詩見授日索具報  
因賦此

軒、陸士龍卓、荀鳴鶴雲間日下逢  
此段殊不惡方君嗜狂藥而吾窮病  
縛相望不相過賦詩聊爾謔知君酒  
隱慕先賢誰何合閣作飲中仙金陵妙唱丹



砂絃當日新聲傳不傳莫學滄波弄雲月光鮫哆口  
餽流涎訪吾之居在何許春明門東大道邊青鞵布  
鞵不妨步何待東家蹇驢乃著鞭我屋真無坐客氈  
蒲團榷棧共蕭然鬪雞走狗春風顛付與垣東惡少  
年

亡女勝璋哀辭

這汶陽邾氏子彥脩三年而

死甲戌三月海陵賦

百痾沉頓彌兩年何圖壯女死我先失聲恐號氣窒  
咽淚如縷縻汲九泉嗚呼尚敢尤諸天託非其人死  
失所父孱母罵猶棄汝吞辛咀楚申何許萎蕤殞英

春不主嗚呼萬古為冤土

老鶴嘆

海陵蘇氏即居之南鑿小池以畜雙

鶴甲戌夏旱池涸如陸是鶴饑立庭除間主人  
莫卹也因賦詩以歎之

華表華表歸來守出無車食無魚懿公之遇難再圖  
卑棲俛啄同群雛誰謂稭氏子不孤強顏市井交屠  
沽巨源密啟亦已踈嗚呼衛侯既不可作道林今也  
則無露鳴風舞何區、夙夜供君耳目娛西山二子  
饑相似南國三閭放不如端慮盤飧懷異味併隨焦  
尾付庖厨



送王安節赴武康尉 荆國公族弟也甲戌六

月海陵賦

江左風華推第一王氏堂、文獻出烏衣諸郎能少  
屈尚執中司三尺律君方色養白頭親吳興水陸饒  
甘新卞山之下茗溪濱一洗長安肥馬塵君不見昔  
人負米長勤捧檄喜敢論州縣徒勞耳

送海陵周太守郊受代還朝 周字開祖嘗宰

管城有聲甲戌六月賦

湯、水東流奈何載此西行舟統如五鼓鳴城頭使  
君去矣不可留前日使君來天子惠此州傳道管城

政先聲走群偷不關外戶息吠犬悉把鈎鋤誰帶牛  
雨暘不違禱烏鹵數倍收吏却一錢賄獄無五木囚  
黃堂坐嘯有餘暇八詠新詩追隱侯斯民幸使君畢  
世為吾休俄及瓜時代本朝官重內舊通金門籍行  
奉玉宸對問君何以治海陵但陳聖主之德臣何能  
狂生有意水衡丞

送僧雲還吳興 雲喜作小詩稍不俗甲戌七

月海陵賦

吳興道人美風度月下滄浪翹白鷺晝公詩律尚能  
傳間有赤烏黃耳向海角相逢一笑新懷歸不待白

蘋春寄聲故國群兒輩潦倒塵埃頓季真

答許景亮 許永嘉人字少明力學喜為詩惠

然出長篇見投况我以鄧高密謝太傅即賦以

答時余將為江夏之行無與之別乙亥九月京

師賦

東嘉海上孕壞怪之子人英晦當代發之辭章聊一

噫翻下界雷鼓霜鐘警聾聵投吾夜光敢下拜相期過

高幸少殺君家風鑒嚴簡汰頽吾衰遲積疴瘵久隱

墻東慕牛僧絕望仲華安石輩老矣狂奴猶故態清

思屢遭俗子敗絮衣棘徑動胃礙京塵浼人更難柰

行擘一舟犯滂湃五斗無餘雜糠稗全家飮殮雲夢

豈黃鶴登臨指天外燕子西飛書可待訪吾少明安

好在

贈僧字 熙寧末余罷官趙郡日與僑人竇了

然遊後十年復相遇于徐之蕭縣丙子三月之

官江夏舟次長蘆有僧永字見過乃了然也將

之廬阜余要偕行乞一詩遂賦

北道交遊竇了然手持丹訣口談禪吾年方少不解

事貪酒放歌相助癘十載驅車道梁楚汲水之陽一

環堵著書直上窺彌衡鄭圃潦園聊爾汝旋聞瞥作



去鄉行聲迹相遼掃風雨我遭官縛未渠央君割瘡  
緣遽如許扁舟三月溯長川故人投謁俄童顛周妻  
何由敗吾事成佛定輸靈運先此行歷涉佳山水隨  
牒不妨行樂耳與君更結蓮社遊徑取孟囊付舟尾

送章邦傑移家餘杭包家山 章字子才熙寧

中僚友也自江州瑞昌令休官居城中十三年  
不與人事為道友築室相招遂有是行丙子五  
月道由九江邂逅章登舟南浦因賦是詩

九江賢令尹千載兩相望昔也陶彭澤今之章瑞昌  
拂衣置五斗高興挹羲皇避俗陶無悔達生吾與章

淵明三逕荒松菊我攜一瓢寓僧屋淵明乞食踵人  
門我賣神丸辦蔬粥淵明為酒接休元我每移書謝  
州牧淵明帝筆課兒曹我子長歌紫芝曲蕭閑門戶  
十三年尚畏塵緣生處熟行將卜隱包家山誓與蒼  
生鍊大還願君門外誅榛菅來者勿拒容躋攀鏡湖  
遺老老且孱猶堪護鼎訶神姦功成拔宅自仙去唯  
餘井臼留人間

題漢陽招真亭 亭在大別峯頂郡守吳興劉

誼宜翁營

高宗廟諱

以招江夏黃鶴之仙劉每自稱有

不死術亭成後二年物故於淮陰道中余適見



之一無他異丙子八月獨登因賦此

大別山巔清沙尾飛亭岩堯帶雲起清狂使君初燕  
喜拍手招呼黃鶴子玄津煉出太陽酥丰茸胎髮蒙  
頭顱每誇夕落北鄴籍豈意齋恨歸黃壚越客登臨  
興何有愁不能言病妨酒殘陽雲夢宵然深尚欲開  
襟吞八九羽駕飄飄安在哉使君餘跡已塵埃但見  
庾令樓橫烟樹杪角聲催月渡江來

晚出江城聞角 丙子九月晦江夏作

古壕沮洳荷葉枯矍鑠禿鷲行且漁山銜日脚水闌  
掩孤樓引角吹單于胡馬西風興非淺壯圖舊迹隨

塵卷秋盡湖邊雁不來流落方悲去人遠十月之交  
五夜長河橫斗直天蒼涼蘇門故里斗杓下豈無伯  
仲勤相望君不見剡蓬為矢弧弦桑男兒落地志四  
方履屐無根著家巷道梁適楚猶吾鄉鳩鴿不踰濟  
摘渡淮為枳吾心况物未應然隨牒官身聊爾耳

寄漢陽趙尉沔 趙字道原滂之從兄丙子十

月江夏賦

慶湖遺老坐詩窮強仕之年百病攻誰謂南昌祿隱  
翁伏枕呻吟四壁空相思限此江西東寄聲每託江  
頭風斯言近俳聊一笑江水方清飢可療人生奇偶



類探籌造物豈容人數料君初試吏或當然我大半  
生真不調昔不願起家百日登三司今不願還家六  
印金纍、但願官糧辦親養歸來尚餘三徑資鄰墻  
晏起訪安否爾酌我歌堯舜時咄嗟此願良難必吞  
聲食藥甘如蜜

送武庠歸隱終南 武字明叔近號今是翁銜

命巴峽還道由江夏過我乞詩為賦丙子十二

月

君不見南朝豪雋有都生自歆出身時網嬰樂聞栖  
遁去人者傾金累百贈其行關西武即將家種心實

慕儒官冗從春走巴東歲暮還逢迎偶在江南夢過  
門把酒豁清襟行將歸隱南山陰終焉之計咄嗟辦  
願賦一詩輕百金吾聞自古咸秦稱陸海六印可求  
田莫買別墅三千畝上腴將軍部曲猶多在未應親  
手把鉤鋤歲事經營付家宰一官換得今是翁昔何  
所縛今誰解携琴領鶴白雲鄉身世相遼自西忘北  
臆仰枕安足道未知者為義皇豈不聞俛首塵埃  
百僚底南北推遷隨尺帝摩肩接武半臺輿誰謂淮  
陰非噲比君家昂甲盛先唐西都朱邸森相望天道  
惡盈幾赤族當時賴有安平王慶牒蟬聯今幾代雲



孫庠繼遊方外他時野史逸民篇鑄也磨鉛跋而待

送鄂州刑獄掾王懋元功罷官還海陵兼簡金

陵和上人 前此三年余客海陵送王之官酌

別於橫塘此詩丁丑六月賦

暖雲芳草橫塘路送客何之官鄂渚江皋暑淫氣如  
蒸別來何之還海陵海陵鄂渚非吾土每後君來先  
我去人無根蒂本悠悠况指滄波是舟路君方少健  
我衰遲躅感轅間不自持因行寄聲雁門遠歲暮敢  
忘林下期好去將無同語掾行見春風花滿縣隱顯  
它年不我遺為續白蓮社中十八傳

玉鈎環歌

諸王孫士汙澄源以蒼玉環螳螂

鈎見既助飾野服因以珉玉盤博山爐成氏箭

建瓊龍茶五物并此歌為報丁丑十月江夏賦

良土得玉藍溪窟相璞命形心匠出螳螂倔彊平疑

有骨頸系一環猶莫屈鏡湖老狂厭袍笏素綴纁緇

須此物價比連城不容乞王孫較好人所難何以報

之明月盤薰爐波面山嶺屹吾鄉美竒鷓雞翰閩甕

兔盃霜毛寒稱是頭貢雙龍團聊送公齋增穴長短

歌粗可評瓊貺吾方野裝事遊放跼步臞顏曳藜杖

薄暮微吟江夏上彼漁夫人誤相訪謂似三閭大夫



樣

南樓歌送武昌慎太守還朝 慎名宗傑吳人

其先錢氏貴威戊寅三月江夏賦

君不見鄂渚山環少去城半高牙之衝仰飛觀  
華月天一隅縹緲青山江西岸題榜南樓非昔時  
人可復識元規唯餘在得昔時月與此江山長住持  
公堂坐嘯無留事清夜登臨誰辦此流風逸響殆千  
年初見東吳貴公子剽繁健手付方州迎刃未始逢  
金牛潢池小兒歸田疇田無高下乃多收每尋不淺  
胡床興更有歌人行酒籌明日雲飄望堯闕鏡湖老

生愁欲絕一錢何敢浼劉公送行聊以南樓月照見  
金閨待漏時結珮正冠勤曉謁公乎莫負鱸魚菰菜  
期衣錦東還使持節

題黃岡東坡潘氏亦顏齋 潘幽老昆仲躬耕

於東坡葺亦顏齋以偃息取詩於我為賦之元

竹付戊寅六月江夏作

東坡有田誰料理黧面蒼毛潘氏子結茅題榜亦顏  
齋農隙把書聊自喜潘乎潘乎信是顏之徒終日何  
所論難真如愚世無孔父四科友猶辦簞食瓢飲陋  
巷環墻居百畝之收粒可數天南有待東坡主更輸



什一補官倉餘勺幾何供雀鼠會須不改其樂媚而  
翁力田水旱由天公大勝心迹相違阮校尉東西南  
北哭途窮

慶湖遺老詩集卷第一

慶湖遺老詩集卷第二

古體詩上四十首

故鄴

按鄴都記漢建安十二年曹操滅袁氏

始大築鄴當時京兆洛陽南陽許皆大都而鄴

為之長操子丕代漢復定都洛陽此後僭竊更

據鄴而未始殘破元魏孝文帝自代南巡駐蹕

鄴下久之以南望枉人山北接柏人縣非善地

遂去之河南將行挂飯罌於城樓上識者解之

挂飯懸殮也豈待玄孫宅此乎至孝靜帝果為

高歡劫遷都鄴齊五主營建宮室規模壯麗遠



逾前魏周武平齊焚撤略盡及揚堅克尉迴遂  
濟瀕之築京觀於葛屨山徙郡汝安陽鄴猶為  
屬邑熙寧間始廢之戊午九月獨遊晚歸馬上

賦

魏武昔恢圖北平譚尚孽卜鄴築新都非徒三狡穴  
將行遷鼎志遽有分香訣落日總帷空奠終歌舞闌  
旋聞灑洛上載起蒼龍闕四葉不歸東苔花馳道絕  
食槽讖終驗挂飯期先決擾攘百年間覆車尋此轍  
山川氣象變朝市繁華歇白露復青蕪茫、換時節  
陰風吹葛屨燐火走兵血木葉下西陵寒蟲助騷屑

當時陪葬骨馬鬣猶環列隧碣仆縱橫鐫文久殘缺  
帛砧與柱礎螭首隨分裂指此一杯間賢愚兩何別  
悠、鳳漳水寂、雀臺月千古配英魂未隨埃燼滅  
田皋訪遺老謂有興亡說但聽黍離篇叱牛畊不輟

喜雨 己未歲余官滄陽涉春早熟四月晦雨

始大澍而二麥已槁死采老農之言賦是詩

終春久旱曠涉夏俄溽暑垢汗浼衣襟梅津蒸柱礎  
黃霾閉赤景測候錯辰午沙燕逐風鳶翻飛邇來雨  
紛、白羽箭齊發萬牛弩落瓦復鳴階浮漚如沸煮  
崇朝已沛浹枯渴頓清瘡田父喜過從迎門好相語



蚕桑薄可具豚酒與簫鼓擇吉謝業祠巫娘罷狂舞  
晨炊飽丁壯庇笠耕與鹵少緩麥租期庶將秋稼補  
輸入太倉中蓄肥任黃鼠

老槐 邯鄲郡南滏水上有大老槐無復生意  
人偶夜休其下聞吟嘆之聲發空腹中蓋梟狐  
所憑而里人輒以為神也因築壇建社祀禱甚

勤余感而賦是詩己未八月

老樹久枯秃俯臨清路塵曾無席地蔭庇暍及斯民  
梟巢與狐穴兇怪相憑親嗥嘯屬陰黑驚搖旁近人  
周環築級壇立社祀秋春既享不材壽濫當有土神

勿惑巫婦言請揮樵者斤猶疑終竊據復作後來薪  
過鼉椽端智 鼉字祖禹滏陽法曹掾己未九

月賦

西風吹晚雨饑雀噪寒叢文舉對談客坐慙觴豆空  
咄嗟宦遊子貧病略相同斗俸折腰得醉錢常不供  
君看北里兒高堂燕歌鍾雖誇酒無筭飽德何由豐  
吾豈乞墦者不為妻妾容永懷冰檠操未媿屠酤雄

春行 庚申三月滏陽賦

風俗喜嘉辰行樂東城春人歌芍藥章馬渡楊柳津  
田畝久枯渴麥芒棲暗塵焦心戴白叟日望西郊雲



對酒 庚午三月晦滄陽賦

白駒不可駐尺璧非所珍獨挹一樽酒悲歌送徂春  
歌闌酒亦盡回首迹已陳自笑十年仕尚迷天下津  
豈無濯纓水柰爾長路塵命也復何道今人猶昔人

閑情二首 庚申四月同滄陽田叅軍至明賦

青窓隱夕曛玉甃紫苔春佳人久不見翠被銷檀熏  
長巾拂綠綺上有三年塵聊彈別燕弄寄謝陽臺雲  
秋風動朱箔流塵污鴛綺念昔合歡人兩心今萬里  
冰霜變松竹况復如桃李欲寓相思文無多右軍紙

題巫山畵 滄陽張氏出此畵蓋唐人畫庚申

四月賦

巫山彼美神秀色發朝雲絢麗不可挹飄飄去無痕  
楚夢一夕後蒼山秋復春日斷腸亦斷往來今古人

詛蚊 庚申五月滄陽賦

公舍踞陰溝維蚊得所在朝昕滅聲迹曛暮相期會  
挾是黨與繁豈資軀力大饑心過狼貪毒喙甚蜂蠆  
併張巧中去人勇悍將何奈貧無綃葛裊拙計燃蕭  
艾徒自取薰蒸舉家更平噉歎烟銷尚鼓篋夜久禦  
蓋懈坦腹恣交攻煩瘡如搔疥神疲復夢悖少不容  
清快如何造物工種此生民害安得長風驅投諸四

荒外斷之嚴霜誅併命不可貸醜類倘一遺餘孽行  
當再

燭蛾 庚午五月滄陽席上賦

鬼蛾來翩、慕此堂上燭附炎竟何功自取焚如酷  
感彼萬動微保生在無欲不見青林蟬飲風聊自足

病暑 庚申六月滄陽賦

早夏景延永烈日天中央欬、燎原野中、去人如探  
湯病肺苦焦渴吐舌生喉瘡糜漿與茗飲未易蘇膏  
盲稍驚氣象變雲物來冥茫仰枕視簷際浩、浮滄  
江忽得灌頂偈灑然心地涼雷公未鼓怒風伯何猖

狂掃蕩大宇空萬影繞斜陽俯辭楚臺上拱立齊昂  
旁一介命蝼蟻敢干私雨暘田夫信無罪觸熱正驅  
蝗

暑夜 庚申六月滄陽賦

渴蟬鳴中夜木葉凝無風襟苧不加帶猶如被蒙茸  
三庚信可畏一扇曾何功安得解民愠蒼梧理古桐

問內 庚申六月滄陽賦

庚伏厭蒸暑細君弄鍼縷烏綈百結裘如繭加彌補  
勞問汝何為經營特先期婦工乃我職一日安敢墮  
嘗聞古俚語君子毋見唾癭女將有行始求然艾醫



須衣待僵凍何異斯人癡蕉葛此時好冰霜非所宜  
食芡實作 庚申六月邯鄲郡從事錢景蔡德

父席上賦

錢侯官舍旁走水來方塘暑雨過初伏斜陽生晚涼  
風翻淡盤卷萬觚爭低昂猶疑秦鷄暴擅此六國場  
下榻延密客開樽薦新嘗金刀剥老蚌玉沙磨夜光  
慙勤煩釘飢未咀悲生腸引領廊衛西百泉乃吾鄉  
水產富此物數錢論斗量朝飡取饕飽無復炊黃粱  
貪嗜比羊棗况乎惟味良十年去國仕遇得纔微芒  
季鷹思蓴羨拂衣謝齊王我亦散浪者未許斯人狂

長歌定行矣千載會相望

烹鷄嘆

庚申七月客過滏陽道近時有人觀

庖人宰三鷄一雄就縛而鳴不輟因嘆曰禽鳥  
將死知時且鳴吾安得默求容於世因極口

肆言俄抵機穽幾不得免余感而賦此云

膳夫縛三鷄二雌先就烹一雄置机上不廢知時鳴  
有客見之嘆人情猶物情寧昌言即死何喋口偷生  
愚聞此客言退思因竊評鷄實昂姐資殺身非罪聲  
人忘樞機誠鼓舌為禍萌宜念千金軀與雞何重輕

題華陽公主碑陰

按碑公主名季豔魏孝文

帝之孫年十四降高歡弟琛主與琛皆蚤死齊  
建國琛追王趙郡主為王妃碑表其墓盧思道  
文姚淑書在滏陽之南七里庚申八月晦日賦  
王姬乘鳳去春色一朝空昔怨綺羅月今無松栢風  
千年見白日狐穴入幽宮玉鏡古塵滿落梅誰復容  
峨、當隧碑寶刻一何工文擅色絲美但書膏邑封  
惜非丈夫烈不得傳無窮好在故時物清漳流自東

題蘭陵王碑陰

碑載王名肅字長恭北齊文

襄之子按北史直書長恭而沒其名蓋當時以  
字行而史失其詳爾王有武略善撫士每得一

灰數李必分甘餌衆金墉之戰免胄先登推功  
第一今蘭陵王曲即凱歌也為後主所忌得疾  
不治而卒以鳩斃碑陰刻王弟延宗一詩甚哀  
墓在滏陽西南十里道占其東夏潦所湊隴已  
半圯碑字大兼寸隸法有古氣而不著書人名  
文乃盧思道也庚申九月十日賦

齊室生武賢蘭陵乃頗牧拊瓜饗虎士餐尉比梁肉  
金墉免胄戰破陣何神速樂府有遺聲當歌凱旋曲  
盤宗既不壽霸祚宜爾促十代六百年人間換陵谷  
荒塗接幽隴誰復禁樵牧窆石半歌摧鉤鋤斷鼉足



蒼苔蝕琢刻仰睇眩塵目操翰無媿辭千言不為辱  
流湍鬻馬鬣客土日危感靈潦併年間彌漫即川陸  
昔多萬兩送今無一杯築人生妄區別共盡同草木  
何待雍門彈令君淚盈剝

邯鄲郡樓晚望 庚申九月賦

新涼瀉軒檻草木帶秋聲濶水倒嵐影洗磨刀戟明  
百虫暮吟動一鳥歸思輕晚律駭徂景羈懷念勞生  
去國亦已久已年今復庚官倉容雀耗世路忌蝸爭  
顧我實荒浪誤拋樵與畊竹木微逕在奚獨古人行

荅杜仲觀登叢臺見寄 庚申九月滏陽賦

高風蕩河漢白露被寒菊下有絡緯虫淒酸生意促  
華年不相待去我何流速老步失騰驤短轅甘弱臧  
伊人濮陽秀方厭折腰辱仕道塞榛蕪低徊避蛇虺  
邯鄲古都會陳迹武靈築興發即登臨西南幾窮目  
新詩琢璠瑒疊寄兩三幅一聽郢中歌陽春回草木  
行將及瓜代暫喜擺羈束鞭馬徑相過連朝奉遊矚  
隻雞與斗黍禮意未為足何以遇高陽多營甕頭醪

冬夜寓直 庚申十月滏陽賦

落月半侵窓蛩聲寒到床羈人不堪此夢後夜仍長  
結衣出庭戶河漢正蒼涼浮陰暝四野來雁不知行

陳物悲暮節畏途懷故鄉十年泥滓賤半生靴板忙  
豈不志事功筋骸難自強壯毛抽寸霜烈膽磨尺鋼  
素尚竟誰許行歌追楚狂

送武

欽宗廟諱

之安陽

辛酉七月冠氏席上賦

黃金絡征轡之子待明發樽酒少遲留禪林見涼月  
歌鬟結蛾黛怨此佳期濶去、柳堤風青蟬催白髮

寄杜邨邨

余寓居魏之冠氏杜仲觀以詩相

招屬大河北徙莫知其津竟不果赴但賦此答  
之時辛酉八月也

窮巷厭多雨顏垣藜藿生蜩蟬飽風露晏景一何清

坐指歲芳歌羈人心骨驚所懷不可見東州聞政聲  
三年但絃歌百里稱神明風月動高興詩章時一鳴  
天葩落健筆直與春工爭渾河失故渠怒水方縱橫  
難憑東葦濟跬步萬里程夢想不知遠笑談何可并  
賴有西飛翰尺紙緘馳情

訪周沆郭忱

周字文清郭字天輔皆吾僚婿

也辛酉仲冬自魏趨闕始及北郊首訪二子於  
壺蘆園延款連日因賦是詩

前日去薄官驅車望城闕情親周與郭契濶多年別  
征袍未及解徑造郊扉謁存問審安娛芝眉尉懷渴



家飽具羹炙笑我猶饕餮野色夜蒼茫松陰步微月  
悲風應長嘯灑面若冰雪狹室燭光清壞爐擁駝褐  
歡呼講舊好鄰夢憎驚聒念昔初冠年朋從事顛蹶  
忽、一回首身志成老拙居諸信遙邁又值陽生節  
春物行可期良遊須屢結婦家酒醅美升斗容丐輟  
斟酌挹東君手選時芳折樽前有餘樂身外無所切  
欲尋王清路難訪金丹訣修短三萬朝黃塵共埋滅

除夜歎

辛酉京師賦示周流

壯髮忽種、華年今復窮客懷少安適况乃京塵中  
病肺厭斟酌疲筋謝過從閑坊稅老屋車馬無來蹤

日俸纔百錢鹽齏猶不供夜榻覆龍具晨炊熏馬通  
出門欲貸乞羞汗難為容安得一扁舟浮家乘興東  
江山北深隱終老為田翁春秧二頃苗秋穫期百鐘  
稚子課樵汲壯妻兼織春行歌滄浪清卧快柴桑風  
神明養內觀憂患無旁攻有客聞此言謂余何不衰  
茲行果勇決誰攬冥、鴻安知祿籍間去就如樊籠  
微尚良自信所悲君不同

寄杜仲觀

辛酉二月余罷官滏陽訪仲觀於

邯鄲屬雨後晴和城邑人已衣袷既登叢臺風  
色淒緊尚如隆冬時臺下有佛祠庭中得斷碑



乃蔡有鄰書嚴挺之叢臺懷古賦也因請仲觀  
樹之壁間佛祠西去二三里有王氏園偶諸俳  
倡將祀神者因置酒按之邑人丘巖起次說與  
烏明日相別是冬仲觀亦受代復調南康舩官  
壬戌八月余至彭城登高有懷因賦此以寄

中春雨收霽與子登叢臺形勝宛然在太行西北來  
無情百尺土千載未摧顏四顧發悲嘯淒風振頤頰  
凌高氣象變似不容徘徊下出破禪剝斷碑生紫苔  
嚴公賦懷古復使後人哀西尋王氏園一徑趨城隈  
老竹未萌筍繁<sup>笋</sup>花如雪開惠然丘少年逸躅欣攀陪

小榭羅醺豆開簾按俳詠招呼縹緲人晚鐘催收梅<sup>妝</sup>  
水調唱金縷雲壘浮玉醅傾觴敢惜醉忘著接羅回  
明日遂分手舊遊安在哉我為東徐官客鬢棲塵埃  
君調南康吏江山後清才西風吹去雁尺紙為君裁  
我已困摧辱壯心如溼灰行將隱名姓采藥孫登嵬  
共城異日儻相過衡門剪蒿萊  
山名

遊雲龍張氏山居 雲龍山距彭城郭南三里  
郡人張天驥聖塗築亭於西麓元豐初郡守眉  
山蘇公屢登燕於此亭下畜二鶴因以放鶴名  
亭復為之記亭下有小屋曰蘇齋壁間榜眉山



所留二詩及画大枯株亦公醉筆也亭上一迳  
至山腹有石如龍沼者公復題三十許字記戊  
午仲冬雪後與二三子携惠山泉烹鳳團此巖  
下張即鏗之壬戌秋余初至徐張惠然見臨繼  
相招為山中遊八月晦日遂往暮歸馬上賦此  
詩

昔聞張逸民卜築雲龍山東望結遐想喜得彭城官  
一語定襟契宛如平生歡招携屬休沐投此蘿薜閑  
女僕候門巷青桂馥翠鬟蘇齋軒戶明餅火焚椒蘭  
寶墨鬼神護清詩冰玉寒森然拱簷雷架石排琅玕

東趨放鶴亭磴道披茅管指顧百村落炊烟林莽間  
日脚灑平陸兩山如斷髮環淒風振晚葉坐怯衣裘單  
引領紫霄極飄颻如可干緬懷眉山公五馬來遊盤  
酣興走顛筆蒼崖即鏡刊午年仲冬月雪野雲彌漫  
掃石坐舒嘯惠泉烹鳳團當時詫盛集千古陋違安  
俛仰迹遂陳斯人久泥蟠我來後千日逸躡何由攀  
遇勝不能賦俯尋塵路還山英移未勒時款白雲關

登黃樓有懷蘇眉山 時公謫居黃岡壬戌八

月彭城作

登黃樓望黃州黃州望不見樓下水東流水流何可

留浮雲更悠、傷心澤畔客憔悴楚蘭秋

秋懷二首 壬戌九月彭城賦

室邇人尚遠况乎千里間豈徒道路長重水復重山  
清霜老芳物嘉樹不堪攀欲寄隴頭信春風殊未還  
蕭、庭木落格、雞聲惡荒簷日影斜饑猫捕黃雀  
總間養痾客起念丘園樂欲賦歸去來西風老黎藿

燕子樓 唐徐牧張建封晚得姬人巧、寵嬖

之為起子樓於使宅北城上以慶焉後更兵火  
樓不復存天聖中故相濮陽李公出守彭城復  
樓於故址壬戌重九後一日余與二三僚友置

酒樓上分韻賦詩偶得如字而侍酒官妓亦有  
名盼、者蓋竊希唐人因為見於卒章

城據山川勝千年楚故都高樓臨汲水楊柳蔭芙蓉  
唐室中多故將軍老鎮徐毬塲朝戲馬玉帳夜投壺  
白雪徵清唱黃金得綠珠春風樓上醺三日極歡娛  
紅粉夢雲散白楊兵火餘當年賀厦燕老盡幾番雛  
曲徑擁黃葉西風時掃除寒鴟導老樹睥睨女牆狐  
有客晚登覽傍徨思壯圖荆榛閉銅雀麋鹿遊姑蘇  
陳迹豈足道舊歡何日無朱欄開酒場寶勒迎官奴  
醉袖舞鴝鵒艷聲歌鷓鴣遲留故時月桂影來座隅



回首一相讒今人如不如

快哉亭 彭城郡城之東南隅提點刑獄官廢  
廨也熙寧末魏郡李公持節來此高宗諱亭城隅之  
上郡太守眉山蘇公命名曰快哉亭下有壘壇  
數十步即唐人薛能陽春亭故址也癸亥六月  
始登此亭因賦是詩

飛亭冠城隅空豁延四望夙昔兩文雄胡床此相向  
山川氣候美詩酒風神王彈豨許昌侯陽春慙俚唱  
麾車忽南北榮辱生譽謗一躡雲遶間一落江湖上  
我來得陳躡伏檻徒怙悵可畏此塵籠歸哉養荒浪

飛鴻亭

彭城南禪佛祠據戲馬臺之麓有巖

山出其上方廣信信尋可立柱石癸亥秋九月  
太守河南王公說命僧起亭冠焉亭成置酒以  
落之而未得嘉名以稱也時天晴木落旅雁南  
下復有聲琴於座者公偶誦嵇叔夜目送歸鴻  
手拊五絃之詩因以飛鴻榜之是冬十二月十  
日復與李昭玘成父揚中立同登因賦是詩

禪林跨山脅飛

高宗諱

鑿峻嶒千里寄雙睫百憂消一登

斯遊屬公暇曉日東南升霜野明練甲雲陰垂海鵬  
東州地陽暖臘月川無冰大舩出洪口突去如騫騰



跌坐思方寂，桐魚聞飯僧。生臺飽馴鶴，散上浮圖層。  
矯首發長嘯，清風鼓塵膺。紫虛路鴻雁，正憑凌。  
仿像中散公，俯手朱絲繩。粉繪久零落，棄靈呼不應。  
顧余識尤寡，况復無才稱。行且置纓笏，庵棲宗大乘。  
二子勿多誚，有心何不能。

上已後一日登快哉亭作 甲子年賦

上已信嘉辰，流觴傳舊俗。良遊悵不遂，吏局方有屬。  
東風吹曉雨，萬竅嗥林麓。疑有泊舟人，狂歌河女曲。  
逾朝始澄霽，物色如新沐。城角趨去危，亭登臨尉幽。  
獨紛華掃不見，胡蝶飛平綠。佇倚窮夕曛，悠哉此心

目

讀李益詩

甲子夏與彭城詩社諸君分閱唐

諸家詩，采其平生人賦一章，以姓為韻。君虞益  
字也，見從軍詩序。

君虞興聖孫，詩律早專美。樂府度新聲，宮醜奉天子。  
鮮風獵蘭若，華月濯桃李。獨有連眉郎，才稱劣相比。  
頗聞竹牕句，流落綺紈耳。吏曹久失調，幕府感恩起。  
從軍五十篇，王粲慙率爾。胡沙動霜草，開卷得千里。  
騫翔大蓬拜，轉顧觸排毀。晚升八坐崇，謝事知所止。  
高文茂支庶，埋滅長已矣。斯人今不亡，正賴數番紙。



咄嗟齒逾壯日就無聞耻勉哉課謠吟請自田居始  
田園樂 甲子八月與彭城詩社諸君會南臺  
佛祠望田畝秋成農有喜色誦王摩詰田園樂  
因分韻擬之余得村字

昔我未去國幽棲淇上村分辭俠少事喜與農老言  
農老孰追從四鄰皆世婚機中工織婦籍上成丁孫  
青駒自走磨黃犬長候門昨日春火開逍遙望高原  
西照牛羊下東風花草繁今朝夏鷄鳴麥熟田頭喧  
歸來息樹蔭課汲灌中園秋賽方及辰釀秫烹膏豚  
叢祠響腰鼓免杖奉神樽冬雪斷門巷蚕廬清且溫

地藉熊豹席爐明荆樨根起居就安適非復繫晨昏  
不識百里面不知千騎尊供輸先衆期於我何感恩  
太上復淳古坐超義與軒敢忘天地施擊壤聲如埴  
畢此百歲願泰然長夜魂避秦誰氏子客死武陵源  
此日足可惜 甲子九月彭城寇元弼席上賦  
此日足可惜此樽何可辭人生信浮寓老境將安之  
念昔青衿歲九七殊未知忽、俯仰間復見趨庭兒  
名繫冗從籍願亦何能為撫此多病軀敢有黃髮期  
每虞斃彝走明哲永見唾後日賣刀劍買牛耕故陂  
不憚力作勤農事有閒時慨想無心子清言真我師



部兵之狄丘道中懷寄彭城社友 甲子十二

月賦

駕馬出北門徒御何遲、日氣方洶湧霜陰亦紛披  
後夫前驅行少婦痛不隨分攜仰天哭聲盡有餘悲  
雖非遠行適要之為別離願我豈無家從公難遂私  
且懷二三友缺此文酒期臨分各有贈婉思婉乎詞  
吟風一回首烟林失城池才思肯相過斗黍為君炊

三月二十日遊南臺 與張謀父陳傳道王文

舉乙丑年同賦互取姓為韻余得陳字

晴春六十日不與酒杯親吏事豈無間風雨復兼旬

始作南城遊時物固已陳掃石見菹李濃綠迷荆榛  
登高暫逍遙引目清泗濱向田有交逕俯城皆要津  
得意屬禽魚可愛不可馴願予千里客眷此十日春  
胡不念爾生筋骸勞久伸二十起丁籍一官初為貧  
併張西復東甌滿菜蕪塵黃綬彼何物豕苓安足珍  
山園有芳蘭幽佩手自紉長哦白雲謠遐想紫陽真  
去矣南昌尉庶幾乎若人

夏夜懷寄傳道 陳攝領雙溝戍稅局乙丑年

彭城賦

疲筋任藜杖行藥下僧坊月出河漢白雨餘草木涼



有懷社子中引首東南望高韻少諧結何心事征商  
泗濱六七月萬柳鳴蜩塘大扁軻駁來迎風坐胡床  
授錢授赤券豈所試君長申退尚多暇不無金玉章  
而余方執熟思得濯滄浪雲戕儻寫寄珍重未相忘

慶湖遺老詩集卷第二

